



Future-proofing our children

Sikolo sa la Sunda: Sitopa sa Bulalu

Toho ya Tuto

Jesu h'a li wa myaha ye lishumi ka ye mibeli

Buka ya Bashemi

Sikolo sa la Sunda sa mwa Malapa



Balatiwa Bashemi

Mu amuhelwa kwa tuto ya “Jesu h'a li wa myaha ye lishumi ka ye mibeli” ya Sikolo sa la Sunda Sitopa sa Bulalu.

Pampili ye, i mi tusa hanyinyani ka mo, muswanela ku fela tuto ye:

Mukwa mo muswanela ku itukiseza ni fa tuto ye ka ona

Ze tatama ki zeñwi zeo mu swanela ku ezeza mwa ku itukiseza ni ku fela tuto ye.

Muhato	Kezo
1.	Mu kene fa likepe la Keleke Yenca ya Baapositola, ka ku sebelisa likepe le fa WhatsApp: https://bit.ly/3NACSSHS
2.	Mu be ni lisebeliso ze tatama kuli mu kone ku tukiseza kufa hande tuto: • Bibeke • Ma pampili a likisizwe kale a tuto ye. • Buka mwa sebeleza mwanana, lipotoloto ni lipendiso za banana, ni zeñwi cwalo. • Video ye lukisizwe, ye kona ku sebeliswa ku ekeza fahalimw'a tuto (ha ku konahala) • Katekisema ni buka ya lipuzo ni likalabo (Kwa banana ba bali mwa litopa za Tiisezo) Mamela: 2.1: Nako yende ya ku fa tuto ki la Sunda ka kusanani, kasamulaho a sebelezo, sina banana ha ba fiwanga lituto ka nako yeo. 2.2. Mu kupiwa ku eza tuto ye bukuswani ha ku konahala, ka ku hupula nakonyana yeo banana ba kona ku teezeza ni ku utwisisa hande. (Mu si ke mwa bulela ze sa amani ni tuto) ya mwanana – Mina ki mina mu ziba hahulu mwan'a mina ni ku fita. <i>Ka mulao, Sikolo sa la Sunda ha si swaneli ku fitelela mizuzu ye mashumi a mane ka ye ketalizoho (45 minutes).</i> 2.3: Lituto li kauhanyizwe ka litopa (Sikolo sa la Sunda, Lituto za Bibeke ni Tiisezo - SS1, RI1 or Confirmation). 2.4: Mulizeze kapa ku ikopanya ni muluti wa ba Sikolo sa la Sunda ha mu tokwa tuso kwa lisebeliso ze bulezwi.
3.	Mu lapele (Mu bone tapelo ye ñozwi, kwa mafelelezo) mi mu kupe Mulimu kuli ami eze sisebeliso mwa ku fa tuto ye, ka mwa latela Yena.



Mu fe tuto ya Sikolo sa la Sunda mwa Malapa

Mukwa mo muswanela ku itukiseza ni fa tuto ye ka ona

Lu zwela pili ku mifa mikwa, yeo muswanela ku itukiseza ni ku fa tuto ye.

Muhato	Kezo
4.	Mu eze sibaka sa tuto ku ba se si inzi hande (ku si na lilata) foo mina ni mwanana mu ba ni ni buino bo buswana. <i>Ka mutala:</i> Mu ine fa lishasha/ fa museme kapa fa lipula ku potoha tafule
5.	Mu bale tuto ye lukisizwe. Mu kutele ku ibala hape kuli mu iutwisise hande. Mu buhe video ya tuto ku li mu be ni kutwisiso hande ya tuto.
6.	Mu ñole tuñusanyana twa butokwa to mu bata ku hupula ha mu fa tuto.
7.	Mu utwisise butokwa bwa tuto, yeo mwanana a swanezi ku mamela ni ku sa libala.
8.	Mu fe mwan'a mina tuto ye, ka ku mu kandekela likande la tuto. Mu ko na ni haiba ku mu balela likande le ha mu tabela.
9.	Mu supeze mwan'a mina video, mi muketele butokwa mwa tuto ye.
10.	Mu bulelele ni ku susuweza mwan'a mina kuli a eze musebezi o mwa buka ya hae, ya Sikolo sa la Sunda.
11.	Mu lapele kapa mu kupe mwanana kuli a lapele kaku kwala tuto.

Lisebeliso ze fumaneha ku amana in Sikolo sa mwa Malapa

Ze tatama ki lisebeliso ze kona ku ekeza ni ku tiiseza butokwa bwa tuto:

1. Mu eze likepe la WhatsApp la ku ikambota tuto ye ni mabasi a mañwi a Tiisezo.
2. Mu ambole ni bashemi ba bañwi kuli mube ni kutwisiso ku amana ni tuto pili mu si ka ifa kale ku mwan'a mina.
3. Mu be ba ba lukuluhile, ku batisisa litaba zeñwi ku amana tuto ye.



Tuto

Toho ya Tuto	Jesu h'a li wa myaha ye lishumi ka ye mibeli
Timana	Luka 2: 41-52
Mutomo/butokwa bwa Tuto	Banana ba lemuha ku li Jesu ki Mwan'a Mulimu.

Kusufazo ya Tuto:

- Jesu n'a hulezi mwa munzinyana wa Nazareta wa mwa Galilea, ni m'ahe maria ni Josefa.
- Cwale Jesu h'a li wa myaha ye lishumi ka ye mibeli, Maria ni Josefa ba kambamela ni Yena kwa Jerusalema kwa Mukiti wa Paseka. Mulimu n'a lukuluzi Maisilaele mwa bukoba, kacwalo mwaha ni mwaha ne ku ezwa mukiti wo ku itumela ku Mulimu. Ne li mukiti wa pumulo, mi sicaba se si n'ata ne ba tile mwa munzi.
- Ha ba felize mazazi a mukiti, Maria ni Josefa ni ba bañwi, ba zwa mwa Galilea ku kutela habo bona. Ba hupula kuli Jesu u mwa mukumbi wa batu.
- Manzibwana a lona lizazi leo, Maria ni Josefa ba eza munganda ku pumula hanyinyani, mi ha ba mu bata ha ba si ka mu fumana.
- Kiha ba mu bata ku bahabo bona, mi ha ba palelwa ku mu fumana, ba kutela kwa Jerusalema inze ba mu bata ka mazazi a malalu.
- Ha ku fitile mazazi a malalu, ba mu fumana mwa Tempele, a inzi fahal'a baluti, a ba teezeza, a ba buza.
- Ba ba mu utwa kaufela ne ba tabiswa ki kutwisiso ya Hae, ni likalabo.
- Maria a li ku Yena: "Mwan'a ka, kiñi s'o lu ezelize cwalo? Bona, ndat'aho ni na, lu sweli lwa ku bata lu ziyelehile."
- Jesu a li ku bona: "Ne mu ni batelañi? Ne mu sa zibi kuli ni swanezi ku ba kwa litaba za Ndate?" maria ni Josefa ha ba si ka utwisiza taba y'a ba bulelezi.
- Jesu a shetumuka ni bona, a ya kwa Nazareta. N'a ikokobeza ku bona. Mi Maria n'a buluka litaba zeo kaufela mwa pilu ya hae. Jesu n'a zwelapili, a talifa, a hula, a tabisa Mulimu ni batu.



Kanti tuto ye italusa sikamañi ku luna kacenu?

- Zibo ya Mulimu ne li ku Jesu. N'a kona ku alaba lipuzo, kakuli n'a ziba Ndat'ahe ya kwa lihalimu.
- Jesu n'a tile kwa tempele, mi teñi na ikutwa bukaufi ni Ndat'ahe ya kwa lihalimu. Jesu a lemuha simuluho ya Hae ye kenile, nako yeo ne ku ambolwa za Mulimu mwa tempele. Ki Mwan'a Mulimu, ya lumilwe ku to liulula batu.
- Lu bana ba Mulimu. Ni luna lu banga ni sibaka sa ku ba bukaufi ni Mulimu, h'a lu utwa linzwi la Hae mwa lisebelezo ze kenile ni mwa lipoto za mabasi, ni ha lu lapela.

Mu lemuhe ku li Jesu ki Mwan'a Mulimu, mi lu swanela ku latelela mutala wa hae ili kuli lu be bukaufi ni Ndat'a luna wa kwa lihalimu mwa litapelo ni lisebelezo ze kenile.

Zeñwi za lipuzo zeo lu kona ku buza:

1. Ki ka libaka lifi Maria, Josefa ni Jesu ha ne ba ile kwa Jerusalema?

Kalabo: Ne ba ile kwa mukiti wa Paseka.

2. Kanti Jesu na ezañi mwa tempele nako yeo bashemi ba hae ha ba mu fumana?

Kalabo: N'a inzi fahal'a baluti ba mulao wa Mulimu, a ba teezeza, a ba buza lipuzo. Na alaba lipuzo ka kutwisiso.

3. Ki ka libaka lifi Jesu h'a n'a ile kwa tempele?

Kalabo: Teñi na ikutwa ku ba bukaufi ni Mulimu, mi na ziba kuli ki Mwan'a Mulimu ya lumilwe ku liulula batu.

Tapelo ya Bondate ni Boma ye fiwa pili tuto isi ka tateka:

Mulimu ya lateha. Lwa itumela kwa lizazi la kacenu

U lu foyole kaufela luna, tusa kuli lukone ku lemuha ku bateñi kwa Hao

Fuyola tuto ye lu taba ni yona, U lu hupulise kuli lu ku lapele mwa linako kaufela

U lutuse ku itumela nako kaufela mi lwa itumela kwa sepiso ya kuli kozo ya Hao ikaba ni luna

Luma Jesu a to lunga, Mi u lu tuse ku ba ba itukiselize ku mukatanyeza

Mwa libizo la Jesu lwa lapela - Amen